

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U BOSANSKOJ KRUPI

Broj: 018-0-Su-24-000 332/7

Dana, 16.08.2024.godine

Na osnovu člana 70. stav (1), (3) a. i (5) Zakona o javnim nabavkama („Službeni glasnik BiH“ br. 39/14, 55/22 i 50/24), u postupku javne nabavke roba – desktop (stonih) računara za potrebe Općinskog suda u Bosanskoj Krupi, predsjednica Općinskog suda u Bosanskoj Krupi d o n o s i:

O D L U K U
O DODJELI UGOVORA
DRUGORANGIRANOM PONUĐAČU

Član 1.

Odluka o izboru najpovoljnijeg ponuđača broj 018-0-Su-24-000 332/6 od 08.08.2024. godine, STAVLJA SE VAN SNAGE jer je izabrani prvorangirani ponuđač PR „MEDIA MARKET“ Prijedor, ulica Miloša Obrenovića bb, Prijedor, **propustio dostaviti originale ili ovjerene kopije dokumentacije** iz člana 45. stav (1) tačka a) do d) Zakona o javnim nabavkama odnosno iz tačke 2.2.2. Tenderske dokumentacije za konkurentski zahtjev za dostavu ponuda, **u roku koji je odredio ovaj Ugovorni organ.**

Član 2.

Ugovor o nabavci roba – desktop (stonih) računara za potrebe Općinskog suda u Bosanskoj Krupi dodjeljuje se drugorangiranom ponuđaču „ZERICK“ d.o.o. Sarajevo, ulica Mustefe Kamerića br.7., Sarajevo, za ponuđenu cijenu **od 19.800,00 KM bez PDV-a, odnosno 23.166,00 KM sa uračunatim PDV-om.**

Član 3.

Ponuđač iz člana 2. ove Odluke dužan je da u roku od 5 (pet) dana od prijema ove Odluke dostavi dokumentaciju iz člana 45. stav (1) tačka a) do d) Zakona o javnim nabavkama odnosno iz tačke 2.2.2. Tenderske dokumentacije za konkurentski zahtjev za dostavu ponuda.

Član 4.

Prijedlog Ugovora o nabavci roba – desktop (stonih) računara, dostavit će se na potpis izabranom ponuđaču u zakonskom roku.

Član 5.

Ova Odluka objavit će se na web-stranici ovog Suda, istovremeno sa upućivanjem iste svim ponuđačima koji su učestvovali u ovom postupku.

Član 6.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke roba putem konkurentskog zahtjeva za dostavu ponuda, broj: 018-0-Su-24-000 332 od dana 24.06.2024. godine, a kao kriterij za izbor najpovoljnije ponude izabrana je najniža cijena. Obavještenje o nabavci je objavljeno na Portalu javnih nabavki dana 28.06.2024.godine pod brojem: 5970-7-1-8-3-1/24,

zajedno sa tenderskom dokumentacijom, kao i izmjene i ispravke tenderske dokumentacije od 08. i 16.07.2024.g. Procijenjena vrijednost predmetne javne nabavke je utvrđena na iznos od 33.000,00 KM (tridesettrih hiljade KM) bez uračunatog PDV-a. Do označenog roka za prijem ponuda, 22.07.2024.g. do 13:30 sati, pristiglo je 9 (devet) ponuda: „ELUR“ d.o.o. Kiseljak, „EMADO“ d.o.o. Sarajevo, „IMTEC“ d.o.o. Sarajevo, „ZERICK“ d.o.o. Sarajevo, PR „MEDIA MARKET“ Prijedor, „TELNET“ d.o.o. Ilidža, „INTER-COM“ d.o.o. Zenica, „PRINTEX“ d.o.o. Sarajevo i „ALF-OM“ d.o.o. Banja Luka.

Komisija za provođenje postupka ove javne nabavke je dana 22.07.2024.g. u 14:00 sati izvršila javno otvaranje ponuda, a zatim dana 02.08.2024.godine izvršila evaluaciju pristiglih ponuda i kako su sve pristigle ponude bile prihvatljive, zakazala je aukciju na Portalu JN za dan 07.08.2024.g. u 12:00 sati, te nakon okončanja iste dala preporuku Ugovornom organu da se za nabavku roba – desktop (stonih) računara izabere prvorangirani ponuđač PR „MEDIA MARKET“ Prijedor.

Ugovorni organ je prihvatio prijedlog Komisije i donesena je *Odluka o izboru najpovoljnijeg ponuđača, broj 018-0-Su-24-000 332/6 od 08.08.2024.* godine (u daljem tekstu: Odluka) kojom je prihvaćena ponuda ponuđača PR „MEDIA MARKET“ Prijedor, a s obzirom da je kriterij za dodjelu ugovora „najniža cijena“ i da je ponuda prvorangiranog ponuđača u okviru procijenjene vrijednosti ove nabavke. Istom Odlukom u članu 2. izabrani ponuđač je obavezan da u roku od 5 (pet) dana od prijema ove Odluke dostavi dokumentaciju iz člana 45. stav (1) tačka a) do d) Zakona o javnim nabavkama odnosno iz tačke 2.2.2. Tenderske dokumentacije za konkurentski zahtjev za dostavu ponuda. Odluka je zajedno sa Zapisnicima komisije o provedenom postupku, dostavljena kako izabranom ponuđaču tako i ostalim ponuđačima u postupku e-mailom dana 08.08.2024.g., koje je kao sredstvo komunikacije predviđeno tenderskom dokumentacijom.

Kako je Izabrani ponuđač PR „MEDIA MARKET“ Prijedor potvrdio prijem Odluke putem e-maila dana 09.08.2024.g. isti je bio u obavezi da dokumentaciju iz člana 45. stav (1) tačka a) do d) Zakona o javnim nabavkama odnosno iz tačke 2.2.2. TD dostavi Ugovornom organu najkasnije na dan 14.08.2024.godine, a što isti nije učinio odnosno do označenog roka nije dostavio traženu dokumentaciju, onda Ugovorni organ postupa u skladu sa članom 72. stav (3) tačka a) Zakona o javnim nabavkama i dodjeljuje ugovor drugorangiranom ponuđaču čija je ponuda po rang-listi odmah nakon ponude najpovoljnijeg ponuđača, odnosno ponuđaču „ZERICK“ d.o.o. Sarajevo, ulica Mustefe Kamerića br.7., Sarajevo, nakon okončane aukcije za cijenu **od 19.800,00 KM bez PDV-a, odnosno 23.166,00 KM sa uračunatim PDV-om.**

Na osnovu iznesenog donesena je odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem ovog Ugovornog organa, na način i u rokovima popisanim članom 99. i 101. stav (5) Zakona o javnim nabavkama.

DOSTAVLJENO:

1. Ponuđačima
2. Računovodstvo Suda
3. a.a.



PREDSJEDNICA, SUDA

Ezić Munevera